

M010: Alkuins Traktat 'De virtutibus et vitiis'

46r,1 DE SAPIENTIA . Uor allen dingen sol mennesche
 46r,2 eruorscon uelichiu sige diu ware gewizzeda . unte diu
 46r,3 ware wisheit . wante diu uuisheit dirre werlte . ist ein
 46r,4 tumbheit uore gote . Diu ware gewizzede ist . daz du dich
 46r,5 pecherest uon den sunton . die des tiuuels dienst sint . unte
 46r,6 diu ware wisheit ist . daz du got ubest . nach der warheit
 46r,7 siner gebote . In disen zeuuan dingen . so wirt der ewige
 46r,8 lib gewnnen . Alse dauid sprichet . "Chere dich uon dem
 46r,9 ubele . unte tuo daz guot . wan ez en genuget neheineme
 46r,10 daz er daz ubel uermidet . er ne welle daz guote tuon .
 46r,11 noch en hilfet niecht daz er daz guote tuot . er ne uelle
 46r,12 daz ubele uerlazen . Aller der sus uuse ist . der ist ane
 46r,13 zwivel imer salich . Daz ist auer der salige lib . daz tu
 46r,14 got erchennest ." DE FIDE . Diu channusse des gotes . unte
 46r,15 diu gewizzede der warheite . diu scolt u auer gelirnan
 46r,16 durch die allichen geloube . wan ane sie so ne mach niemen
 46r,17 gote gelichen . Der ist warliche salich . der in der rechtun
 46r,18 geloube uuol lebeth . unt in demo guoten lebenne
 46r,19 die rechtun geloube behutet . wan also diu geloube ubbik
 46r,20 ist ane guotiu uverch . also sint diu guoten werch niecht
 46r,21 ane rehte geloube . Dannan sprichit scs- iacobus mines
 46r,22 trehtenes bote alsus . "Waz hilfet mine brovdere ob ir sprecchent
 46r,23 daz ir geloubich sigent . en habent ir der guoton
 46r,24 werche nicht&con Mak denne diu geloube imen behalten .
 46r,25 diu nicht ist an diu werch? Also der lichaname erstirbet
 46r,26 so der geist in uerlat . also ist diu geloube tot . so siu
 46r,27 der werche niene hat ." DE CARITATE .

46v,1 In allen gotes geboten ist diu minne de hereste . ane die
 46v,2 so sc-s paulus sprichet daz gote nieth gelichen muge . da
 46v,3 er sprichet daz weder diu martere . noch dirre werlte
 46v,4 uermanunge . noch almuosen wrume sige . an die minne .
 46v,5 Dannan sprach ouch got selbo . do in der wise iude uragete .
 46v,6 welehez uuare daz maieste gebot in der ewe . "Du minnegest
 46v,7 dinen got uon allemo dineme herzen . unte uon
 46v,8 aller diner sela . unte uon allem dinem muote . unte minnegest
 46v,9 dinen nahesten also dich selben . In disen zeuein
 46v,10 geboten so hanget ellu div . e . unte aller der wissagone

- 46v,11 buoch .” Disiu minne diu gestet in der behuotunge der gotes
 46v,12 gebote . also er selbo sprichet . “der mich minnet der
 46v,13 behaltet mine rede .” So sprichet ouch sc-s iohs . “Wir haben
 46v,14 daz gebot uone gote . daz der got minnot . daz er
 46v,15 ouch sinen nahesten minnon scol . Wil du auer wizzen
 46v,16 wer din naheste sige? daz ist ain igelich geloubiger
 46v,17 wane wir werden alle in demo toufe ze gotes chinden
 46v,18 geheiligot . daz uuir geistliche gebrudere sigen . in der
 46v,19 durnachtigun minne . Disiu geistliche geburt ist uil
 46v,20 micheles edelere danne diu uleschliche . Nu gelirne mennesche
 46v,21 welihu sigen diu gotes gebot . unte behute se also
 46v,22 uile er megī . wante so mag er einerhafte gehen . daz er
 46v,23 die gotesminne habe .” DE SPE .
 46v,24 Sc-s Paulus leret unsich driu dinch notdurftigiu unserre
 46v,25 sele . da er sprichet . “Driu sint . de gedinge . unte geloube .
 46v,26 unte minne . der drie ist allermaiste diu minne .
 46v,27 Daz ist diu rechte gedinge . daz niemen sige . swie uil

 47r,1 er gesuntot habe . daz er uon diu mines trechtines
 47r,2 gnaden missetruve . sunter daz er in demo gedingen
 47r,3 siner rebarmede antlazzes bitte . Ze mo antlazze mugen
 47r,4 auer die gedingen die uon ubelen werken wellen gestillen .
 47r,5 wane wir ne sculen durch des antlazzes gedingen
 47r,6 daz unreth weder tuvn noch minnen . unte obe wir ez
 47r,7 auer getun . so ne sculin wir gotes gnadon niht missetruon .
 47r,8 Vnte niht einerhaft in unseren sunton . sunter
 47r,9 in allen unseren arbeiten sculn wir in demo gedingen
 47r,10 gotes helfe enbeiten .” DE PACE .
 47r,11 Do der gotessun hinnan ze sineme uater wider wor .
 47r,12 doo gab er sinen iungeron z einer sunterlichun gebe . diu
 47r,13 gebot des wrides . da er z in sprach . “Ich gib iu minen wride .
 47r,14 ich laz iu minen wride .” Do er von in wor . do liezz er
 47r,15 sie umbe daz in demo wride . daz er sie ouch uolte uinden
 47r,16 in demo wride . Des wrides herschaft zeigt er in einer
 47r,17 anderer stete . da er sprichet . “die sint uile salich . die
 47r,18 vvridesame sint . wante sie geheizzen uverdēt gotes
 47r,19 chint . Die ne wellen nieth werden gotes chint . die unuuridesame
 47r,20 sint . Wir sculen auer daz wizzen daz dirre
 47r,21 wride ist ze habenne mit ten guoton unt den rehton .
 47r,22 niht mit ten unrehton . die den ublen wride untrin
 47r,23 hant in ir sunton . Daz sculen uuir auer so tun . daz
 47r,24 wir sie selben nieth hazzen . sunter ir unreth . vvane
 47r,25 sigen ouch sie ubel sie sint iedoch gotes gescaft . Der uuride
 47r,26 den wir auer mit ten guoten haben . der gestatit die
 47r,27 ebenhellin unt die bruderlichun minne . wante er ist

 47v,1 ein muoter der minne . Disen wride behuten mit aller
 47v,2 unserer chrefte . wante er ist ain bruttesalin der gesunlichen .

- 47v,3 unt er ungesunlichen uigente .” De Misericordia .
 47v,4 Daz guot der rebarmede . daz ist uile here . wan dannan
 47v,5 spricht der gotessun unser haltere . “Die sint uile salik .
 47v,6 die barmherzze sint . wante die gotes erbarmede gewinneNT .”
 47v,7 Nehein meneske en darf auer ze dirre gotes erbarmede gedingen .
 47v,8 der erbarmede nie wil erbitten sineme wideruinnen .
 47v,9 Von diu uergeben wir unseren uigeten die
 47v,10 zitlichun schulde . daz uuir gewinnen mugin die ewigun
 47v,11 gotes hulde . Wane wie getar meneske anderes uone gote
 47v,12 sineme herren der gnadon gebitten . er ne welle ouch
 47v,13 gnade sineme ebenscalche erbitten . Ze dirre erbarmede .
 47v,14 scuntet unsich got selbo . da er spricht in sinemo euglio .
 47v,15 Wesent gnadic also iuver himelesker uater ist gnadic . der
 47v,16 sinen sunnen lat skinen uber guote unte uber ubele . unte
 47v,17 der regenot uber rehte unte uber unrehte . In eineme igelichen
 47v,18 urteildare scol erbarmede unte meigisterschaft sin .
 47v,19 wane ir newederez mak wol ane daz ander sin . Wane ist
 47v,20 ein diu sicherheit an ime . diu gebirt die sicherheit ze den
 47v,21 sunton . hat er auer aine die serpfen . der maisterscefte . diu
 47v,22 machet die untetanen missetruik der gotes gnadon . Dise
 47v,23 erbarmede scol meneske allererest ime selben erbitten .
 47v,24 wane wie mak der eine me andereme gnadik sin . der ime
 47v,25 selben grimme wil sin? Der ist in sik selben grimme . der
 47v,26 mit sinen sunton garnat den ewigen tot . Vone diu beginnen
 47v,27 dirre gnade ann un selben . unte behuten unsich uile

 48r,1 gnote . daz wir enfliehen die helle note . De Indulgentia .
 48r,2 Got gebiutet uns in sineme euglio . daz wir uergeben . so werde
 48r,3 ouch uns uergeben . Vnte spricht en wellen wir unseren
 48r,4 scoleren nieth uergeben . so ne uerden ouch uns unsere schulde
 48r,5 nieth uergeben . In dirre gotes rede mugen wir die uil
 48r,6 michelun sine guotin bechennen . daz er daz an unsere selbchur
 48r,7 lat . obe wir wellan daz uns unsere schulde werde rat .
 48r,8 wane also wir erteilen . also werden ouch uir erteilet . Vone
 48r,9 diu tugen also unsik sc-s Paulus manet . da er spricht . “Vergebent
 48r,10 ainanderen suaz ir wider sie habent . also iu got
 48r,11 durch sinen sun uergeben habe iuver unreht . Vnte en lant
 48r,12 iuch niecht uberwnten werden uon demo ubele . sunter ir uberwintent
 48r,13 mit demo guoten daz ubele .” Daz sculen wir uaste
 48r,14 gelouben daz got unser gebet niemmer uerniomet . unze er
 48r,15 in uns deheinen ummuot wider imen sihet . De patientia .
 48r,16 Min trehten spricht in dem evglio zuo uns . In der gedult besizzent
 48r,17 ir iuver sele . wane so uir durch die gedult gelirnen
 48r,18 wie wir unsik sculen gedoubon . so besizzent wir allererest
 48r,19 daz wir selbe sigen . In alleme unsereme lebenne . bedurfen
 48r,20 wir der gedulte . wane also wir sculen uertragen obe
 48r,21 unsik got mit deheiner note ruochet ze- manene . also sculn
 48r,22 wir gedultig sin . so uir uon unsereme ebenmenneschen ahtesalin

48r,23 liden . Wane daz geschihet ofte . daz guoten werdent

48r,24 gemueth . uone diu sculen sie auer nieth gedenchen daz sie [...] [...]